

隆乾

獨山州志

清·劉岱 修 艾茂 謝庭薰 纂
乾隆三十四年刻本 十卷

一九六五年貴州省圖書館據北京

圖書館藏刻本複製油印本 附校勘記

獨山州志複製說明

獨山州志，十卷，清知州劉岱修，艾茂謝庭薰纂。竣稿於乾隆三十三年四月，十一月付梓，次年成帙。原書版框高五·六市寸，寬四市寸，現以北京圖書館藏據原刻（係後印本）晒影本為主，並參照貴州省博物館藏刻本（係初印本）、獨山縣檔案館藏鈔本、本館所藏鈔本進行複製。

獨山州志

複製說明

複製時對晒影本中部份明顯的錯別字，已予校正，為了便於讀者參考，附「校勘記」於書末，初印本及後印本有出入之處，則加紅字注於書眉，如有不妥之處，請讀者批評指正。承北京圖書館、獨山縣檔案館借給藏本，謹此致謝。

貴州省圖書館

一九六五年十二月

敘

周禮外史掌邦國之志職方掌天下之圖故凡郡州縣皆有志書州縣無志不獨往事無稽即忠孝節烈亦泯沒不傳於後世其所闕者甚鉅也黔屬古西南夷崇山悠繆苗狎雜居隋

獨山州志

敘

一

唐以前皆服處要荒外宋元之季漸通中國然猶分裂割據叛服靡常豕突狼奔仍與禽獸無以異我朝定鼎以來刻平禍亂蠻烟瘴雨一洗

而廓清之于是改土歸流設官分守沐浴詠歌休養生息蓋百年于茲矣

乙酉冬余奉

簡命視學茲土甫入境欲訪其山川風土

沿革建置而不可得乃徧徵州縣各

志究亦百無二三焉未嘗不嘆紀載

無徵傳聞失實雖屬邊荒僻壤文獻

不存亦以司其土者因陋就簡不以

獨山州志

敘

二

修明為己責也越二年而獨山州牧

劉君乃以新修志稿告厥成獨山舊

為土司地明改州治隸於都勻雍正

五年開闢新疆於古州為近固黔中

一巖邑也澹園劉君以夢澤名材用

資保障蒞事六載政通人和百廢具

舉公餘之暇復憫舊志散軼急謀考

訂而更新之彼都人士亦皆鼓舞奮

興樂襄其美草稿甫脫即郵正於余

其中綱舉目張條分縷晰無不犁然

各當於人心俾世之循覽是編者皆

知今之總總林林桑麻雞犬即昔干

獨山州志

敘

三

戈兵燹之所擾攘也今之墉墉仡仡

星羅碁布即昔虎豹豺狼之所盤據

也今之炳炳麟麟雲蒸霞蔚即昔鳥

言卉服險棘侏儒之難與通曉也他

如山川生其秀麗人物發其華滋何

莫非

聖天子武功丕振文教遐敷恩普德洋淪

肌浹髓而賢有司復能宣化承流盡

其職於下故風俗日臻於隆而轉移

不自知其速然則讀斯志也可以油

然而興矣豈獨訂訛補缺備一方之

掌故云爾哉是為序

獨山州志

敘

四

時

乾隆三十三年歲次戊子仲夏月督

學使者武興陳筌撰并書



序

自溶江泛棹溯獨山江想見浪水淵

源南流至鬱林東至蒼梧又至高要

由番禺入海浩然氣象俯仰憑眺漢

武使馳義侯發夜郎精兵下牂柯江

會番禺故事如在目前道經三脚壘

獨山州志

敘

五

渡合江至九名九姓一帶元都掌蠻

地今曰獨山州士誦讀民耕織華風

井井曩時魁結風景無復存焉蓋

聖天子德洋恩普化行無外闢草昧而文

明之已百餘十年于茲矣己丑春州

牧劉君以新修州志呈余釐正兼請

序余為披閱一過其發凡起例考義
選詞大抵援據乎元史明史續文獻
通考內開設獨山以來事實而參酌
乎山川景物州人士家藏稗乘核其
實一要於當而總根柢乎貴州通志
一書按貴州通志在前明創自謝督

獨山州志

敘

六

學東山嗣增訂於劉中丞渠宿侍御
應麟江中丞東之迨我

朝采風型俗修明典籍則曹衛閻張四

大中丞相繼增訂至若郭青螺黔記
田蒙齋黔書二作典雅詳明又通志
根柢也其在各郡邑志乘缺畧統計

不過十之二三焉蓋莫不以文獻無
徵除通志記載而外考訂實難也夫
古之君子在天下則心乎天下之治
在一邑則心乎一邑之治其職業之
崇卑敷化之遠近不同而其孜孜焉
本經術飭吏事維世教興民行則一

獨山州志

敘

七

昔王元美茅鹿門抱其才嘗恨不獲
居史局劉牧向以成均諸生往來

殿廷天祿石渠見聞繁富今志獨山矢

公矢慎固將筆已往之忠孝為方來
之勸戒匪徒物色山川備一方圖籍
已也其亦幸成外史之一局乎余嘉

是書既成而邊方風教蒸蒸日上也

于是乎書

時

乾隆己丑歲仲春月貴州分巡賁東

古州等處兵備道隨帶卓異加一級

軍功加三級紀錄二十次魏涵輝撰

獨山州志

敘

八

並書



敘

郡之西南百四十五里許羣山蜿蜒

奔赴中峙一峯雄視乎瑋峨劍水之

間而州因以名獨邑在勻屬洵稱沃

壤間嘗煙消雨霽登龍山憑高遠望

欲弔右丞襄敏帥師平定之遺蹟而

獨山州志

敘

九

文獻無徵未嘗不悼嘆於元明之已

事也戊子孟春余奉檄勘秋審案得

以觀風於其境往來蘭花關鳳飲河

諸道路見其人魚魚雅雅而地亦樸

茂蓋涵濡於

聖天子作育之德化也久矣州長澹齋劉

君稽古有獲其政宅以肆其風和以清簿書暇取前牧王希曾莫舜鼎舊稿與都人士共加蒐輯得成厥志八冊而問敘於余余曰善余甫下車詢雲往事不得是舉也正余之所欲有事者也獨陽為黔中邊隅舊屬新添

獨山州志

敘

十

葛蠻都雲安撫及粵之思明路數百年來文章政事之得失林巒巖谷之佳麗日月星辰風雷水火之祥異以及鳥獸草木之花實忠孝廉節之大蠻奴鼓腹之景僅掛十一於舊志其泯滅而無傳者何可勝道得是書悉

一一不朽閱斯志者誠勉為端人正士他日亦得附名簡編非吾之所厚望耶昔李吉甫作元和郡國志謂執此可以善治茲編志獨邑即所以敷治獨邑之具也噫蘭亭不遭右軍則勝蹟蕪沒於空山况人物風俗之大

獨山州志

敘

十一

歟後之司牧者覽斯編而得政治之資其將有感於斯言是為敘時
乾隆己丑歲仲春貴州都勻府知府軍功加三級紀錄二十次陳有光撰并書



敘

易大傳曰上古結繩而治後世聖人
易之以書契原夫文字之興無非記
事之用記曰外史掌三皇五帝之書
傳曰左史能讀三墳五典志之所從
來遠矣孔子刪書斷自唐虞洪荒典
冊罔傳來許又因魯史作春秋春秋
魯志也劉知幾之言曰書記言春秋

獨山州志

敘

十三

記事是已維時宋鄭之史皆謂之志
漢司馬遷史記分五體其記事之體
曰書班固漢書易書曰志沿及歷代
日記曰典曰錄曰說稱名各殊體例
相倣陳壽三國王邵齊史統以志名
唐宋而下一切大著作秉之天子分
命儒臣任其役國史而外復有一統
志合天下各道路行省郡邑卷帙繁

集而成蓋自古一州一邑莫不有志

其職即古外史小史之職其書即古
晉乘楚檮杌魯春秋之書凡以供天
子輔軒之採而薈萃成書以昭一統
無外之規模者也然則州邑之有志
州邑之志之宜修其事可謂亟而其
責可謂重矣洪維我

威朝

獨山州志

敘

十三

聖聖相承德威遠播九彝八蠻罔不率俾

乾隆乙酉歲

聖天子以西陲底定疆域式廓迺

命臣工重修

大清一統志將以垂示奕葉為千古未
有之典章部牒至黔分行下獨陽尅
期待覆岱檢州所有冊籍僅黔省通
志一部所載獨山事寥寥無幾乃牒

學苑鬻序所藏亦復無異賴學博謝君自南李君聖言極意咨訪於紳士家得前牧莫君舜飛繼明牧王君希曾所修州志殘稿數十頁雖首列門類乃其事實仍復寥寥然以視通志則已增矣必手自編輯益所未有敢謹申覆不禁喟然歎曰彼西陲古穢狃單于西北以外苦寒地為從來中

獨山州志

敘

十四

國天子所不得而臣今皆入版章垂志乘人物風土莫不載之簡編昭

大聖

人超前軼後遠畧在昔士燮著錄劉昫載書而令交趾墩煌殊俗之鄉磊落英才粲然盈矚以令相方豈唯君臣疆隔直雲泥路阻矣獨陽叢爾邊方界黔雲西南裔闢於元撫馭於明迨我

國家設官定制城池學校以次修舉聲

名文物彬彬稱盛奈何山川景物不殊而忠孝節義事業文章寂寞無聞不惟無以仰答

明詔

將風俗其何以勸而膺此邦民社寄者亦究何以前知其卻與窾而批導之無難耶必由安莊牧調此邦四載矣其於地方山林川澤風土民情平

獨山州志

敘

十五

陂不同形箕畢不同好亦既默識而心藏之矣史通不云乎十室之邑必有忠信欲求不朽弘之在人爰商之兩學博即令抄申冊更為計尋古籍諏繹耆耆考庶以勒成州志一書於以信今而傳後可乎兩學博唯唯有同心越二年率樂輸人士以開館請必嘉其志具文詳報惟念必學本固陋

幼業制藝文字受制軍簡邨濟齋史
溧陽撫軍崔君玉文宗開敬菴張星
指數夫子知選植之江漢書院繼遴
入成均復列濟齋敬菴君玉暨鄂虛
亭吳雨民陸龜川鶴芝仙鍾聞軒數
夫子門墻飫聆易象太極性道文章
緒論試教胄子咨充

西清校錄藉以窺天祿石渠四庫之富

獨山州志

敘

十六

親今時諸館閣韓歐文章之盛重修
三通古籍奉大總裁龜川夫子命代
校史館諸前輩校訂謬誤粘簽外復
分門校對益稍稍有所得今一行作
吏垂十五六年矣江淹有言修史之
難無過於志謂其為憲章所繫非老
於典故者不能為鄭夾漈謂志之大
原起於爾雅歷代史書雖踵班固作

志皆詳於浮言略於事實不足以盡
爾雅之義夫以史記文字夾漈猶譏
其博雅不足而謂志可易言修何
人斯足稱斯任乎哉因憶曩於都門
晤鳳崑艾太史雲之麻峽人學有本
原適予告家居乃商同諸君延聘至
州秉筆從事方集多士分門採擇而
出適有京鉛之役太史亦以家事旋

獨山州志

敘

十七

峽既京鉛停運出復來獨陽則太史
返志局矣脫稿後屬出核實出竊以
職任攸繫不敢以謏陋不文謝公餘
之下與謝李二君乙夜批討或理盡
於篇中無妨省文約字或事溢於句
外不惜繁說縛詞雖或有時如昔人
所云矜其美詞愛而弗棄不過微有
改易要之一名一物隻字片語務求

真而確以當於人心之公而後即安
編成十卷以天文地理營建食貨秩
官武備人物藝文八門為綱內分星
野氣候祥異輿圖建置疆域山川古
蹟關梁風俗場市村落苗蠻方言城
池公署學校典禮書院賦役倉廩物
產職官名宦土官營制師旅選舉鄉
賢孝義文學隱逸列女勅疏議頌考

獨山州志

敘

十八

序碑記記傳文論賦詩四十六門為
目而首之以

聖訓終之以雜記庶幾一州信史矣謹裝

潢成函遵例呈

學憲鑒定謬蒙獎許命登棗梨是役
也艾太史以館閣才敷經籍之膏腴
俾獨陽景象耀於光明煥然一新復
得謝李兩學博偕二三稽古士蒐羅

折衷不遺餘力俾得有所藉手平
心靜氣擬議增損於其間均非偶然
雖然要亦不失乎記事之旨而已昔
軒轅時倉頡沮訟作文字以代結繩
之陋今獨陽以魁結侏離邊裔刻木
示信與結繩等雖自有明改流迄於

昭代文教遐宣而典章未備賴諸君子
苦心惓惓終能輔州牧纂集成帙志

獨山州志

敘

十九

乘之垂何敢上擬古人然其自無而
之有謂比之倉沮始制文字可也傳
曰天地久長風俗無恒後之視今亦
猶今之視昔然則踵事增美不能不
有望於後之君子是為序

時

乾隆三十四年歲次己丑仲春月貴
州都勻府獨山州知州加二級隨帶

加一級紀錄九次宜城劉岱撰并書



獨山州志

敘

二十

敘

天下事有難行者得其人以舉之而
事竟有成如志書一事必考據精確
詳畧得宜乃能傳世昔在大雅不免
貽譏故修志之難與作史等顧昔人
謂修志難修黔志尤難蓋黔始通於

獨山州志

敘

二十一

莊躋鑿於唐蒙地理水經山川罔載
故尤難也余謂黔志難獨陽志尤難
獨陽改州最後設學較遲風氣初開
稽考無自不更難歟曩者州牧莫公
與博學向公網羅散失勒成一書事
在康熙四十一年世遠年湮殘篇斷

簡寢以荒廢嗣是牧茲土者如成都
陳公昌黎閻公具博雅才慨然有修
廢補缺之意俱以蒞任未久日不暇
給宣天時人事尚有待歟抑殘缺失
敘考訂之難也刺史劉公澹園以漢
川選士肄業成均校書

獨山州志

敘

三

武英殿繼向歆之舊業搜天祿之秘藏
魯魚帝虎多所引證一時虎觀石渠
諸前輩服其精確書成議敘由指揮
擢用外任其調繁獨陽也撫字七載
百廢俱興念封守之不易慨典籍之
遺亡毅然以修志為己任因延博學

謝李二公暨諸紳士集議曰有州而
無志是無州也有志而不修猶無志
也獨山外連粵界內控新疆幅幘濶
矣身為民牧而戶口之不知疆域之
不理山川之不考因革損益之不稽
風土人文之不悉將欲起化維風補

獨山州志

敘

三

偏救弊其道無由不出戶庭而知通
塞不歷山川而識險要厥維志哉舊
籍猶存新事可採諸公多士各出見
聞匡我不逮其事固可立舉也僉曰
修哉公因設局延余至共商厥事憶
余昔在詞垣承乏通考館纂修官總

裁為陳星齋先生余晉謁請教先生
曰書不云乎詞尚體要時則甫修三
月以讀禮歸未能受而卒業是役也
亦惟是稍參末議取證高明與謝李
諸公參互考訂統于公而折衷焉余
竊嘆志書之修從前之難如此若復

獨山州志

敘

書

遲之又久將前稿盡失是終無成書
也公則事在必行書竟有成果而確
無難焉詎不信歟方今

聖天子聲教四訖薄海以外皆入版圖獨

陽較之尚近在內地人材之盛視昔
有加時至而事起運開而文明其在

今日乎公以廣化之循吏而會逢其
適余以鼓吹之散人而得觀其成斯
固一時之盛事也於是乎書

時

乾隆丁亥歲冬十月上浣翰林院檢
討加三級麻峽鳳嵩艾茂撰

獨山州志

敘

二十五



創修獨山州舊志敘

明崇禎丙子本州牧王希曾南城人

邑有志所以志一方事蹟俾後世於焉考信獨山為
勻郡咽喉之地接壤西粵居諸司間八面皆奔建州
治以控西粵道始通余來守茲土及瓜之後奉點當
路關其從前所未載版圖檄通郡邑各修厥志以進
余於是命蒙司及父老子弟輩緝舊聞或有謂獨山
之設僻遠甚他邑欲志其兵農而無非行禽也欲志
其錢穀而原屬土司也欲志其金湯而未立城池也
何以修為曰朝廷虞獨之去夫萬里簡官遠鎮凡環

獨山州志

舊敘

二十六

而居民咸令有司之示以務本術上疇非我兵我農
且官設而警其逋負倡以忠勤彼知貢賦為義所當
然雖錢穀不出於州而州實為錢穀所出也况羣奔
叠伺必官能副帥師之任嚴乞鎖鑰則保障即是城
池也余非其人凜凜焉惟此之不勝是懼所賴當路
靖邊遠畧下庇要荒其仰體所行一二端如文社師
以教俊秀用漢人以充左右董鄉約以醒愚民督保
兵以靖萑苻明興革以正風俗皆漢官威儀使彝民
觀化而漸變以可志於舊志外者故集中裨益風教

者錄之足鑒戒者紀之有者採無者不敢妄點綴之
以求傳信倘後有稽往牒而興思者庶足以撥開人
心中之瘴雨蠻烟常現一清明景象是獨陽因志而
不負余余得藉手以不負朝廷並當路矣茲役也肇
於兩臺司道而本府署事司理張公以為要務催告
厥成余適際其時亦獲搦三寸管膠探增損以作一
方信史焉耳是為序

明崇禎丙子大理寺觀政扶網都勻人

又
吾勻轄有獨山其地僻其民彝實扼黔之咽喉古稱

獨山州志

舊敘

二十七

要地天子遠照荒服知其不可無漢官以鎮爰設州
治而田土戶口俱蒙氏所司州牧不過坐定山川疆
域而已入其境而問城池問學校問風俗貢賦以及
古蹟諸類渺焉無聞是官最苦而任最難其大畧業
載府志中頃因州牧王大夫以豫章名士出宰茲土
會當事旁採郡邑志書獨山亦邑也不宜無志大夫
曾費幾許精神期為完志奈葬地固有傳聞志成而
請序於余余按志體嚴而事核詞約而義精不敢強
為過飾可以傳矣噫嘻僅建一官遂名曰州余政於

此為牧是州者壯焉志中凡古蹟諸類雖未燦乎畢備然以州牧擗遐陬之半壁無城池而城池於是乎在也以州牧布聲教於四境無學校而學校於是乎在也定為男女冠婚喪祭之禮則風俗由大夫移易也播其踐土食毛忠君報國之義則貢賦由大夫激勸也况又不止此也其責於州牧之一身者不已備乎哉謂志州牧即志州也亦可獨陽之志始於王大

獨山州志

舊敘

三

夫而王大夫誠有足志者夫以一無所有之州治德威交盡咸使遠彝喻天子所以立州之意壯哉大夫當其難而忘其苦將山川疆域若增而勝矣茲歸里行之日猶急成厥志與吾郡司理張公勤敏周異謹如其請僭書數語以告異日繼大夫而牧獨陽者次第舉之庶成全志云

重修獨山州舊志敘

國朝康熙癸未李績宗正藍旗人

夫志猶史也其義一以信傳修舉之事厥任匪易必英敏博學卓識宏才理無不通庶定是非辨邪正明得失決安危審興衰察治亂準先繩後鑒古證今率由人心於軌度轉移世道於淳龐始無愧於古之所

謂立德立功立言三不朽者吾勾疆土原皆奔地界黔東荒僻遐陬凋殘疲境叢山疊嶂萬壑千巖鳥徑羊腸蛇盤虎穴崎嶇險峻蜀道倍難猺獠猖狂縱橫出沒最稱難治置郡至今尚未久遠而獨山一屬設州在明弘治時雖歷二百餘年而蠻烟瘴霧披拂難開性野心頑汚迷積染牧斯土而司教養之職者久未得人也莫君自滇量移來牧此邦嘆彝俗之澆漓憫民心之陷溺尚利蔑義嗜殺喜爭奮然以起衰救弊為己任挽維風教無他接培學校明禮義正人倫

獨山州志

舊敘

四

興孝弟端習尚重廉恥勵頑振懦化暴還淳政舉教明風移俗易二年於茲烝烝色起非復村鄙劣之觀矣又念老成凋謝文獻無徵旁搜舊誌出以新裁廣採輿言遊神翰墨凡一州之星野氣候疆域山川民苗風俗城池關梁公署兵防田賦戶口物產秩官土司學校選舉典禮古蹟寺觀名官人物鄉賢節孝藝文災祥諸類公餘之暇因革損益字斟句酌彙纂成書前增未備後補闕疑分卷羅列燦若日星欲登梨棗以垂典章詳請鑒定併敘於余披閱之際第見